

En Arzúa, a 22 de novembro de 2017, REUNIDOS

D. José Luis García López, Alcalde – Presidente do Concello de Arzúa, c/ Santiago, núm.2, 15810 ARZUA (A Coruña), en nome e representación do mesmo, e por outra banda

D. M^a Angeles Santamarta Rodríguez, con DNI número 33.256.005-Y, en representación do Colexio Nosa Sra do Rosario, con NIF R1500051F e domicilio social Rúa Carne, 22, 15810 Arzúa.

Tendo en conta a resolución de alcaldía de 17/11/2017, pola que se lle concede ao Colexio Nosa Sra do Rosario unha subvención con cargo á aplicación orzamentaria 326.480.00 do Orzamento Xeral do 2017, por un importe de 400 €.

Tendo en conta o artigo 2.1 da Lei 38/2003, de 17 de novembro, xeral de subvencións, e artigo 2 da Ordenanza Xeral de Subvencións do Concello de Arzúa; segundo os cales serán subvencións as disposicións diñerarias realizadas polo Concello suxeitas ao cumprimento dun determinado obxectivo, a realización dunha actividade ou a adopción dun comportamento singular; debendo cumprir os beneficiarios coas obrigas materiais e formais que se establecesen; tendo por obxecto estas conductas o fomento dunha actividade de utilidade pública, interese social ou promoción dunha finalidade pública.

Co fin de dar cumprimento ao previsto no artigo 28.1 da Lei 38/2003, de 17 de novembro que considera os convenios como os instrumentos habituais para a canalización das subvencións directas, e tendo en conta o disposto no artigo 19 na Ordenanza Xeral de Subvencións do Concello de Arzúa, así como as Bases de Execución do Orzamento para o exercicio 2017.

O presente convenio ten por obxecto establecer as bases de colaboración entre o Concello de Arzúa e o Colexio Nosa Sra do Rosario, para financiar a realización de viaxes culturais e proxectos educativos, e co obxecto de formalizar esta colaboración as partes acordan suscribir o presente convenio conforme ás seguintes

CLÁUSULAS

PRIMEIRA.- O Concello de Arzúa contribuirá ao financiamento da actividade, tal como se define na cláusula anterior, cunha achega máxima de 400 €, o que representa unha porcentaxe de 80,08 % sobre o total dos gastos manifestados na memoria que se une á solicitude que inicia o expediente. A contía restante, ata acadar o importe total do orzamento da actividade, está financiado con cargo a

recursos propios ou alleos. O importe do financiamento municipal farase efectivo con cargo á aplicación orzamentaria 326.480.00.

SEGUNDA.- A subvención do Concello é compatible coa percepción doutras subvencións ou axudas, públicas ou privadas, que a o Colexio Nosa Sra do Rosario obteña para a mesma finalidade, sempre que o seu importe, xuntamente co da subvención municipal, non supere en ningún caso o importe total do gasto efectivamente xustificado.

TERCEIRA.- O Colexio Nosa Sra do Rosario en Arzúa comprométese á realización das actividades que para as que se outorga a axuda; comprometéndose a través do súa representante D. M^a Angeles Santamarta Rodríguez, á asunción dos gastos que orixinen ditas actividades; así como ás tarefas de xustificación da subvención concedida ó efecto. Non serán subvencionables os gastos en adquisición de mobiliario ou calquer outro gasto en investimento, nen tampouco terán a condición de gastos subvencionables os gastos en bebidas alcohólicas, tabacos ou outras sustancias nocivas para a saúde.

CUARTA.- OBRIGAS DO BENEFICIARIO.- Constitúen obrigas da Asociación Cutinocho

1. Cumprir o obxectivo, realizar a actividade ou adoptar o comportamento que fundamenta a concesión da axuda. A subvención deberá ser destinada exclusivamente ós fins para os que foi concedida, quedando expresamente prohibida calquera alteración de destino non autorizada polo Concello.

2. O Colexio Nosa Sra do Rosario, comprométese a dar a publicidade que sexa conveniente ao Concello de Arzúa por esta colaboración.

3. O Colexio está obrigado, cando así sexa requerida polo Concello, a xustificar o cumprimento do establecido nas cláusulas deste convenio. Ademais, deberá someterse, cando así se lle requira, ás actuacións de comprobación e control financeiro por parte da intervención xeral do Concello.

4. Deberá comunicar ao Concello a obtención de calqueira outra subvención, axuda, ingreso ou recurso que financie a actividade que se subvenciona, sen que en ningún caso, o importe das subvencións poida ser de tal contía que, aislada ou en concurrencia con outras subvencións, axudas ou ingresos supere o coste da actividade subvencionada. Esta comunicación realizarase tan pronto como se coñeza, e en todo caso, con anterioridade á xustificación da aplicación dada aos fondos percibidos.

5. O Colexio Nosa Sra do Rosario, deberá conservar os documentos xustificativos dos fondos percibidos, así como a documentación contable que lle sexa esixida na súa lexislación aplicable, có fin de facilitar as actuacións de comprobación e control.

QUINTA.- PRAZO E FORMA DE XUSTIFICACION.- A xustificación baixo a responsabilidade do declarante, farase coa presentación no Rexistro de Entrada do Concello, **antes do 30 de novembro do ano 2017**. Deberá presentarse a documentación seguinte:

- Anexos I e II debidamente cumplimentados
- Certificados de estar ó corrente no cumprimento das obrigas tributarias co Concello de Arzúa e coa Seguridade Social e a Administración Tributaria e (neste último caso poderá substituírse por unha autorización ó Concello de Arzúa para que recabe directamente da Administración Tributaria este certificado).
- Facturas, nóminas ou outros documentos de valor probatorio equivalente e con validez no tráfico xurídico mercantil que acrediten os gastos realizados; e que deberán de importar, como mínimo, a contía da subvención concedida. No caso de obterse axudas doutras administracións públicas deberá xustificarse gasto por unha contía igual á suma de todas as axudas, noutro caso reducirase proporcionalmente a axuda outorgada polo Concello.
- Xustificantes dos pagamentos efectuados
- Acreditación da publicidade da colaboración económica por parte do Concello de Arzúa

No caso de que non se presente a xustificación dentro do prazo, tramitarse o requerimento ao que fai referencia o artigo 70.3 do Regulamento da Lei Xeral de Subvencións.

SEXTA: PAGAMENTO.- O pagamento da subvención concedida farase efectivo da seguinte maneira:

- Un 80% da contía con carácter prepagable, coincidindo coa sinatura do presente convenio.
- 20% restante, unha vez xustificadas totalmente os gastos realizados

SÉTIMA.- REINTEGRO.- O incumprimento parcial ou total das condicións establecidas, a desviación da subvención para actividades ou conceptos non estimados no proceso de tramitación e resolución, o incumprimento da obriga de xustificación, a duplicidade de subvencións para un mesmo programa, sempre que

non sexan complementarias, constituirán causa determinante para a revocación da subvención concedida, coa conseguinte devolución dos créditos obtidos.

Igualmente, o falseamento ou ocultación dos datos esixidos nas declaracións, dará lugar á cancelación da subvención e á obriga do reintegro das cantidades recibidas.

As cantidades a reintegrar terán a consideración de créditos de dereito público, resultando de aplicación para a súa cobranza o previsto no Regulamento Xeral de Recadación.

OCTAVA.- INFRACCIÓNS E SANCIÓNNS.- En materia de infraccións e sancións estarase ó disposto no Título IV da Lei 38/2003, Xeral de Subvencións.

En fe do que asinan este convenio no lugar e data ao principio sinalados,

O Alcalde-Presidente do

A representante do Colexio Nosa Sra do Rosario

Concello de Arzúa

ANEXO 1

XUSTIFICACIÓN DA SUBVENCIÓN

Entidade:

Representante legal:

Domicilio do representante:

CP _____ Localidade _____ Telf. _____

En cumprimento do establecido no convenio asinado entre o Concello de Arzúa e o Colexio Nosa Sra do Rosario, unha vez concedida a subvención procédese a aportar os documentos preceptivos xustificantes da mesma:

- Xustificantes orixinais ou fotocopias compulsadas acreditativas dos gastos realizados, e xustificantes de pagamento
- Acreditación da publicidade da colaboración económica do Concello de Arzúa
- Memoria descriptiva da actuación realizada
- Indicación expresa de que se realizaron os fins para os que foi concedida a subvención e declaración das subvencións obtidas doutras Administración Públicas, e de que a Asociación non está incurso en ningunha das prohibicións establecidas para percibir axudas públicas.

Arzúa , _ de _____ de 2017

Asdo.

(nome e apelidos do Presidente)

Sr. ALCALDE-PRESIDENTE DO CONCELLO

ANEXO 2

Declaración das subvencións, solicitadas e/ou concedidas por outros organismos públicos ou privados, e declaración de non estar incurso en prohibición para percibir axudas publicas

D/Dna.	DNI
--------	-----

Como representante do Colexio Nosa Sra do Rosario:

DECLARO

- No exercicio 2017 obtivo unha subvención do Concello de Arzúa por importe de 400 € cumpríndose a finalidade da subvención mediante a realización das actividades para a que foi concedida.
- Que para os mesmos fins obtiveronse/non obtivéronse subvencións por importe de _____ € doutras Administracións Públicas para a mesma finalidade.
- Que o Colexio Nosa Sra do Rosario non está incurso en ningunha das circunstancias previstas no artigo 13 da Lei Xeral de Subvencións, para percibir axudas públicas.
- Que o Colexio Nosa Sra do Rosario en Arzúa se atopa ao corrente no cumprimento das obrigas tributarias e coa Seguridade Social

E, para que conste a efectos da xustificación e cobro da subvención.

Arzúa , a ___ de _____ 2015

Asdo. O/A Presidenta/Representante da Entidade

Sr. AICALDE-PRESIDENTE DO CONCELLO DE ARZÚA

AUTORIZACIÓN para recabar certificado da Axencia Tributaria

A persoa abaixo firmante autoriza ao Concello de Arzúa a solicitar da Axencia Estatal da Administración Tributaria os datos relativos ao cumprimento das súas obrigas tributarias para comprobar o cumprimento dos requisitos establecidos para obter, percibir e manter a subvención nominativa concedida no exercicio 2017 para saídas culturais e proxectos educativos.

A presente autorización outorgase exclusivamente aos efectos do recoñecemento, seguimento e control da subvención ou axuda solicitada e en aplicación do disposto na Disposición Adicional Cuarta da Lei 40/1998, que mantén a súa vixencia trala entrada en vigor do Real decreto legislativo 3/2004, polo que se aproba o Texto refundido da Lei do imposto sobre a renda das persoas físicas, e no artigo 95.1k) da Lei 58/2003, xeral tributaria, que permiten, previa autorización do interesado, a cesión dos datos tributarios que precisen as AAPP, para o desenvolvemento das súas funcións.

APELIDOS E NOME M ^a ANGELES SANTAMARTA RODRÍGUEZ	
NIF: 33256005Y	ACTUA EN CALIDADE REPRESENTANTE DO COLEXIO NOSA SRA DO ROSARIO NIF R1500051F
SINATURA	

Arzúa, de 2017.

SR ALCALDE-PRESIDENTE DO CONCELLO DE ARZÚA

NOTA: a autorización concedida polo firmante pode ser revocada en calquera momento mediante escrito dirixido ao Concello de Arzúa

AUTORIZACIÓN para recabar datos á Tesourería Xeral da Seguridade Social de estar ao corrente no cumprimento das súas obrigas coa Seguridade Social.

A persoa abaixo firmante autoriza ao Concello de Arzúa a solicitar da Tesourería da Seguridade Social os datos relativos ao cumprimento das súas obrigas coa seguridade social para comprobar o cumprimento dos requisitos esixidos para percibir a subvención nominativa concedida no ano 2017 para colaborar economicamente coa realización de viaxes culturais e proxectos educativos.

A presente autorización outórgase aos efectos do recoñecemento, seguimento e control da subvención concedida mencionada anteriormente, previa autorización do interesado, a cesión dos datos da seguridade social que precisen as AAPP, para o desenvolvemento das súas funcións.

A. DATOS DO AUTORIZADOR

APELIDOS E NOME M ^a ANGELES SANTAMARTA RODRÍGUEZ	
NIF: 33256005Y	ACTUA EN CALIDADE DE REPRESENTANTE DO COLEXIO NOSA SRA DO ROSARIO NIF R1500051F
SINATURA	

Arzúa, _____ de _____ 2017.

SR ALCALDE-PRESIDENTE DO CONCELLO DE ARZÚA

NOTA: a autorización concedida polo firmante pode ser revocada en calquera momento mediante escrito dirixido ao Concello de Arzúa

